



Concello de Cangas

INICIO DE CAMPAÑA, CENTROS DE VOTACIÓN E VOLUNTARIADO DO PROCESO PARTICIPATIVO PARA A ELECCIÓN DOS FESTIVOS LOCAIS

Cangas, 10/05/2018

A Concellaría de Participación Veciñal, Transparencia e Asociacionismo xa fixo públicas as candidaturas definitivas que formarán parte do proceso participativo para a elección dos festivos locais:

- 12 de abril, día de Venres das Dores
- 14 de abril, día da República
- 24 de xuño, día de San Xoán
- 16 de xullo, día do Carme
- 16 de agosto, día de San Roque
- 22 de novembro, día de Santa Cecilia, patroa dos músicos

Así e como o establecen as bases, o período de campaña comezará o vindeiro 12 de maio e estenderase ata o sábado 26. O principal requisito consiste en que esta se desenvolva en positivo, xa que non se admitirán ataques ás demais opcións presentadas.

Unha vez transcorrido este prazo levarase a cabo a consulta o día 27 entre as 10:00 e as 19:00 horas. Haberá un centro de votación por parroquia: as bibliotecas parroquiais do Hío, Aldán, Coiro e Darbo e a entrada do edificio do Concello, en Cangas. O Salón de Plenos será empregado para facer o recuento, que estará aberto ao público.

Cómpre destacar que calquera persoa empadroada no municipio maior de 16 anos a 31 de decembro de 2017 poderá exercer o seu dereito a sufraxio no local de votación que desexe. O censo universal é posible grazas a unha plataforma dixital que permite facer un rexistro, impedindo así as duplicidades de voto.



Concello de Cangas

VOLUNTARIADO

O Concello anima á cidadanía a integrarse dentro do equipo de voluntariado. Sen dúbida trátase dun proceso innovador para o cal se necesita a colaboración e implicación do pobo de Cangas.

Os únicos requisitos para ser voluntario/a son:

- Ser maior de 16 anos
- Estar censado/a en Cangas

As funcións que se desempeñarán serán as de formar parte das mesas de votación e do posterior recuento.

Para anotarse é necesario pórse en contacto coa Oficina Municipal de Voluntariado (Casa da Xuventude, Rúa Real, 29, 36940) a través do correo electrónico voluntariado@cangas.gal ou no número de teléfono 986 39 21 71.